

«ԲԱԳՐԱՏՈՒՆՅԱՑ ՇՐՋԱՆԻ» ՀԱՅԱՍՏԱՆԸ՝ ՄԻՋԱԶԳԱՅԻՆ ԻՐԱՎՈՒՆՔԻ ՏԵՍԱՆԿՅՈՒՆՆԵՐ

Կ. Ն. ՅՈՒՋԲԱՇՅԱՆ (Լեւոնգրադ)

IX դարի վերջերից, երբ Հայաստանում սկսվում է վերականգնվել ինքնուրույն պետականությունը, երկիրը կրկին անգամ դառնում է միջազգային իրավունքի ոչ միայն օբյեկտ, այլև սուբյեկտ, գործիչ ուժ։ Նորաստեղծ պետություններն իրենց կաղմավորման օրվանից բարդ հարստերությունների մեջ են գտնվում ոչ միայն միմյանց, այլև հարևանների, առավելապես Արաբական խալիֆայության ու Բյուզանդական կայսրության հետ։ Չնայած վերջին տարիներին լույս են տեսել «Բագրատունյաց շրջանին» նվիրված մի շարք կարևոր աշխատություններ¹, այնուհանդերձ Հայաստանի իրավական ստատուսը դեռևս անբավարար է ուսումնասիրված։ Մինչդեռ այդ պրոբլեմի կարևորությունը դժվար թե վեճի առարկա լինի։ Սույն հոդվածը նվիրված է այդ խնդրի որոշ կողմերի լուսաբանմանը։

* * *

Ինչպես հայտնի է, արաբական տիրապետության ողջ շրջանում Հայաստանի բնակչության նկատմամբ վարչական ֆունկցիաներ վարում էին ոչ միայն խալիֆայության ներկայացուցիչ վալիները, այլև տեղացի իշխանները։ Կարծիք է հայտնվել անգամ, թե վարչապետի պաշտոնը փոխարինաբար ստանձնել են ինչպես արաբները, այնպես էլ տեղացիները²։ Սակայն արաբական կառավարիչների ցուցակի անընդհատությունը հերքում է այդ տեսակետը. իրականում տեղացի վարչապետները իրենց պաշտոնը վարում էին խալիֆայության պաշտոնյաներին առընթերձ։ Տեղացիների մասնակցու-

¹ Ա. Տեր-Ղևոնդյան, Արաբական ամիրայությունները Բագրատունյաց Հայաստանում, Երևան, 1965: Նույնի՝ «Հայոց իշխան»-ը արաբական տիրապետության ժամանակաշրջանում, «Պատմա-բանասիրական հանդես», 1964, № 2 (նաև REArm, III, 1966): Վ. Վարդանյան, Վասպուրականի Արծրունյաց թագավորությունը, Երևան, 1969: «Կոստանդին Պիրանադին», Թարգմանություն բնագրից, առաջարան և ծանոթագրություններ Հ. Բարթիկյանի, Երևան, 1970: Բ. Առաքելյան, Հայկական պետականության վերականգնումը IX դարի վերջերին, «Պատմա-բանասիրական հանդես», 1971, № 4:

² J. Saint-Martin, Mémoires historiques et géographiques sur l'Arménie, I, Paris, 1818, էջ 415 և հտ. Ղ. Ալիշան, Այբարատ, Վենետիկ, 1890, էջ 562: Հակոբակ կարծիք՝ M. Ghazarian, Armenien unter der arabischen Herrschaft, Marburg, 1903, էջ 59:

³ Արաբական կուսակալների ցուցակը տե՛ս Ghazarian, Armenien, էջ 38—43: J. Laurent, L'Arménie entre Byzance et l'Islam, Paris, 1919, էջ 336—347: Բ. Ֆամեր, Ժամանակագրություն Հայաստանի ոստիկաններու առաջին Արասյանց օրով, Վիեննա, 1933: Հ. Նալբանդյան, Արաբ ոստիկանները Հայաստանում, ՀՍՍՀ ԳԱ «Տեղեկագիր» (հաս. գիտ.), 1958, № 8:

թյունը արարական վարչությունը արտասովոր երևույթ չէ։ Հայտնի է, որ խալիֆայության պաշտոնյաների մի զգալի մասը կազմում էին քրիստոն-
ւաները կամ այն մահմեդականները, որոնք դավանափոխ էին եղել բռնի
ուժով։

Հայաստանում ազնվականության ներկայացուցիչը արարական վարչու-
թյան կազմում կրել է «Հայոց իշխան» տիտղոսը։ Զգուշանով ամուր հաս-
տատվել Հայաստանում, բյուզանդական կառավարությունը հայ իշխան-
ներին շուրջընկեր շնորհում է պատրիկիոս տիտղոսը։ Հունա-հռոմեական
պատրիկիոսին համապատասխանում է հայերեն պատրիկը և արաբերեն
բատրիկը։ Այդ տիտղոսը այնքան տարածված է եղել, որ բատրիկ ասելով՝
արաբները հաճախակի հասկացել են առհասարակ հայ իշխաններին։ Հայերն
իրենք «Հայոց իշխանին» երբեմն անվանում են «Հայոց պատրիկ»։ Անգամ
բյուզանդացիք վերաիմաստավորում են այդ պատվանունը. այսպես, Սմբատ
Բագրատունուն (VII—VIII դդ.) բյուզանդական պատմիչ Թեոփանեսն անվա-
նում է ο πατριάρχης Ἀρμενίας, չնայած բյուզանդացու համար պատրիկիոսը
և թե պաշտոն է, այլ պատվական տիտղոս⁴։ IX դարում Հայոց զերազույն
իշխանը անվանվել է նաև իշխանաց իշխան. այդ տիտղոսի արաբական ձևն
է՝ բատրիկ ալ-բատարիկա, բյուզանդականը՝ πατριάρχης, բայց այդպես, երկուսն
էլ հայերենի բառապատճենումներ են։

838 թ. Մովսես Կաղանկատվացին հիշատակում է «տէրանյ տէրն Ծո-
վանէս որ Հայոց, Վրաց և Աղուանից եղև տէր»⁵։ Դա Սահլի որդի Հովհան-
նեսն է, որը հայտնի է նաև Մուսվիա, իսկ Ն. Աղոնցի կարծիքով՝ նաև Հա-
մամ անունով։ Տէրանց տէր և իշխանաց իշխան տիտղոսների համանմանու-
թյունը բացահայտ է։ 903 թ. արձանագրության մեջ Աշոտ Ա որդի Շապուհ
Բագրատունին իրեն անվանում է տէրանց տէր⁶, մինչդեռ մյուս աղբյուրնե-
րից հայտնի է, որ Շապուհը եղել է իշխանաց իշխան։ Ծիշտ է, Շապուհը
իշխանաց իշխան է կոչվել որպես արքայորդի (տե՛ս ստորև)։ Սակայն այդ
տիտղոսների ձևական նմանությունը, ինչպես նաև համապատմական պայ-
մանները թույլ են տալիս կոահելու, որ տէրանց տէր—իշխանաց իշխան
Հովհաննեսը, ծիշտ այնպես, ինչպես «Հայոց իշխանների» մի շարք, եղել
է տեղական ինքնավարության ներկայացուցիչ, միաժամանակ Անդրկովկա-
սում ներկայացնելով նաև արաբական կառավարչությունը։

Մուտասիմ խալիֆը 838 թ. արշավանք է նախաձեռնում դեպի Ամորիոն
փոքրասիական քաղաքը։ Նրա բանակի կազմի մեջ են մտնում Հայաստա-
նի բոլոր զորքերը՝ Վասպուրականցու և ինքնին արքունիների սրբոնի գլխա-
վորությամբ, հաղորդում են բյուզանդական պատմիչները⁷։ Եթե մեր
դատողությունները Հովհաննեսի տիտղոսի, ինչպես և նրա կատարած դերի

⁴ Հայոց իշխանների մասին տե՛ս հատկապես Ա. Տեր-Ղևոնդյանի վերը հիշատակված հոդվածը։

⁵ Տե՛ս «Արարատ», 1897, ապրիլ, էջ 162։

⁶ Կ. Կոստանյանց, Վիմական տարեգիր, ՍՊԲ, 1913, էջ 6, 903։ Ն. Աղոնց, Պատ-
մական ուսումնասիրություններ, Պարիս, 1948, էջ 129—130։

Gen., էջ 67. 16—17; Theoph. Cont. էջ 127. 1—2; Scyl., էջ 75.50—51
Cedr., II, էջ 133.4—5 (վկայակոչումներն ըստ Բոննի մատենաշարի. վերջին երկու հեղի-
նակը Վասպուրականցուն չեն հիշատակում)։

վերաբերյալ ճիշտ են, ապա պետք է ենթադրել, որ հենց նա է եղել այստեղ հիշատակված արքունների արքունը:

Բագարատ Բագրատունուն, որը 830—851 թթ. Տարսնի իշխանն է եղել, Հովհաննես Դրասխանակերտցին անվանում է հրամանատար և իշխան իշխանաց⁸: Արարական պատմիչի համար նա բատրիկ ալ-բատարիկա է⁹: Այդ տվյալների հիման վրա, հակառակ Հ. Թոփչյանի կարծիքին, կարելի է պնդել, որ իշխանաց իշխանի տիտղոսը Բագարատին տրվել է պաշտոնապես¹⁰:

Մեր շարքի վերջին իշխանաց իշխանը եղել է Աշոտ Բագրատունին: Բագարատի եղբորորդին, Բագրատունյաց թագավորական հարստության հիմնադիրը, 5 տարի լինելով սովորական իշխան, 25 տարի իշխանաց իշխանի պաշտոն վարեց¹¹: Այդ ուղղությամբ նրա գործունեության վերաբերյալ սկզբնաղբյուրներում պահպանվել են որոշ մանրամասնություններ: Հայտնի է, որ իր պաշտոնը Աշոտը ստացել է Ալի Արմանի ոստիկանից: Աշոտին հանձնարարված է եղել տուրքերի դանձումը¹²: Մյուս իշխանների նկատմամբ Աշոտը դիտվում է որպես նախագահանատեալն¹³: Նրա իշխանությունը տարածվում է ոչ միայն Հայաստանի, այլև Վրաստանի և Աղվանքի, այսինքն ողջ «Արմինիայի» վրա¹⁴: Աշոտ Բագրատունու՝ իշխանաց իշխան լինելու մասին արաբական աղբյուրները լռում են, սակայն հազիվ թե կասկած հարույցի այն, որ արաբների համար նա նույնպիսի բատրիկ ալ-բատարիկա է եղել, ինչ և նրա հորեղբայր Բագարատը:

Հայաստանում թագավորական իշխանության հաստատումից հետո իշխանաց իշխանի տիտղոսը որոշ ժամանակ տրվում էր գահաժառանգին¹⁵: Իշխանաց իշխան են եղել ապագա թագավորներ Սմբատ Ա և Աշոտ Բ Բագրատունիները¹⁶: Աշոտից առաջ Սմբատ Ա օրոք իշխանաց իշխան է եղել վերջինիս եղբայր Դավիթը¹⁷: Նոր պայմաններում այդ անվանակոչումը կորցրել էր, իհարկե, իր նախկին բովանդակությունը: Հենում իշխանաց իշխանը, ինչպես և Հայոց իշխանը, հանդես էր գալիս իբրև ինչ-որ միջնորդ խալիֆայության և տեղացի ազնվականության միջև: Այժմ այդ դերը կատարում էր (կամ սրիտի կատարեր) թագավորը: Հնարավոր է, որ նոր շրջանի

8. Յովհաննու կաթողիկոսի Դրասխանակերտցույ Պատմութիւն Հայոցս, Թիֆլիս, 1912, էջ 115. այլուր (էջ 116—118) Բագարատը անվանված է իշխան. Աբու-Ֆարաջի համար նա Հայոց պատրիկ է:

9. Annales quos scripsit Abu D'afar Mohammed ibn D'arir at-Tabari, cum aliis editit M. J. de Goeje, tertia series, III, Lugduni Batavorum, 1883—1884, էջ 1406:

10. H. Thopdschian, Politische und Kirchengeschichte Armeniens unter Asot I. und Smbat I. „Mitteilungen des Seminars für orientalische Sprachen an der Friedrich-Wilhelms Universität zu Berlin“, VIII, 1905, էջ 119, հմմտ. Ա. Տեղեոյան, Արարական ամիրայությունները, էջ 101:

11. «Թովմայի վարդապետի Արծրունույ Պատմութիւն տանն Արծրունեաց ի լոյս էած Ք. Պատկանեան», ՍՊԲ, 1887, էջ 229—230, հմմտ. «Ստեփանոսի Տարսնեցույ Ասողկան Պատմութիւն Տիեզերեական», հրատ. Ստ. Մախասեանց, ՍՊԲ, 1885, էջ 158:

12. Դրասխանակերտցի, էջ 133:

13. Թովմա Արծրունի, էջ 218, հմմտ. էջ 107:

14. Թովմա Արծրունի, էջ 206: Ասողիկ, էջ 158:

15. H. Daghabaschian, Gründung des Bagratidenreiches durch Aschot Bagratuni, Berlin, 1893, էջ 86:

16. Դրասխանակերտցի, էջ 143, 198:

17. Նույն տեղում, էջ 194:

մագիստրիսսա և արքունիների արքունիսսա բնութանոյի կնիքը: Հրատարակիչները իրավամբ դիտում են նրան որպես հայ կամ վրացի իշխանի կին կամ դուստր²⁹:

Արաբներն բատրիկ ալ-բատարիկան ևս ստացավ տիտղոսի նշանակություն: 940 թ. համդանյան ամիրա Սելջուկ ալ-Դուուլան ներխուժեց Տարոն, իբն Թուրնիկի երկիրը, հաղորդում է իբն Զաֆիրը: Խոսելով նույն ղեպի մասին, իբն ալ-Ադրակը անվանում է հայ իշխանին «Աշուտ իբն Զարչուր, բատրիկ ալ-բատարիկա Հայաստանում»³⁰: Ամենայն հավանականությամբ, խոսքը հռչակալուր Գրիգոր Տարոնացու որդի Աշուտի մասին է, որն իր դիրքով կարող էր լինել իշխանաց իշխան միայն տիտղոսային նշանակությամբ:

Այսպիսով, մենք տեսնում ենք, որ իշխանաց իշխան տերմինը եղել է բազմիմաստ, պաշտոնական և տիտղոսային: Դժվար չէ կռահել, որ թագավորական իշխանության ծագումը Հայաստանում IX դարի վերջերին կապված է իշխանաց իշխանների մի կատեգորիայի՝ խալիֆի վստահյալ անձերի, արաբական վարչության ու տեղական ազնվականության միջնորդների հետ:

IX դարի 80-ական թթ. Հայաստանի և խալիֆայության միջև ուժերի հարաբերակցությունն այնպիսին էր, որ Աշուտ Բագրատունին կարողացավ ձեռք բերել թագավորական աստիճան: Իշխանաց իշխանի պարտականությունները արաբների նկատմամբ նա, անշուշտ, չձգեց, շարունակելով մնալ խալիֆի ներկայացուցիչ: Այդ առաջին շրջանում թագավորությանը հատուկ էր որոշ արհեստականություն, դա զգացել են իրենք հայերը: Բագրատունիները, ասում է Սամվել Անեցիին, իշխում էին աշխարհի մեծ մասի վրա, թեպետև թագավորեցին «նոցա (այսինքն «աղգին Իսմայելի» — Կ. Յ.) հրամանալ»³¹: Աշուտի արքայական թագը արաբների կողմից հարկադրական մի զիջում էր, որի նպատակն էր հնարավորին չափ երկար պահել իշխանությունը, պահպանել իրենց ներկայությունը երկրում: Բայց հայ թագավորության արհեստականությունը, որի մասին ասվեց քիչ վերև, դրանով էր սահմանափակվում: Ըստ էության, թագավորական իշխանության վերածնությունը պատճառաբանված էր նախ և առաջ ներքին ուժերի աճմամբ և ուժեղացմամբ ինչպես քաղաքական, այնպես էլ տնտեսական և հոգևոր առումով³²:

Աշուտ Ա Բագրատունուն թագավոր օձեց կաթողիկոսը, բայց իշխանության նշանակները նա ստացավ խալիֆի անունից դործող արաբական կուսակալից: Կարծիք է հայտնվել, որ արաբական նշանակները տեղ են հասել օծումից հետո³³: Մինչդեռ Հովհաննես Դրասխանակերտցու տվյալները, որն

²⁹ A. Szeimioth, T. Wasilewski, Sceaux byzantins du Musée National de Varsovie, I. «Studia Źródłoznawcze», XI, 1966, № 8.

³⁰ M. Canard. Sayf al Daula. Recueil de textes relatifs à l'emir Sayf al Daula le Hamdanide, Alger, 1934, էջ 74, 76—77. Տե՛ր-Ղևոնդյան, Արաբական ամիրայություններ, էջ 152—153:

³¹ Մաշտոցի անվան Մատենադարան, ձեռ. № 5619, թ. 88ա:

³² Տե՛ս հատկապես Բ. Առաքելյանի՝ առաջին ծանոթության մեջ հիշատակված հոդվածը:

³³ Աղոնց, Պատմական ուսումնասիրություններ, էջ 92: Վ. Հակոբյան, Մանր ժամանակագրություններ XIII—XVIII դդ., II, Երևան, 1956, էջ 156 և հտ. (ծան. 44):

այս հարցում մեր ամենից հեղինակավոր և վստահելի աղբյուրն է, մերժում են նման ենթադրությունը: Կաթողիկոսը Աշոտին օծեց նշանակները ստանալուց հետո³⁴, օծումը թագավորության պաշտոնական սկիզբն է եղել: Աշոտ Ա բացի³⁵ արաբների կողմից «ինվեստիտուրա» են ստացել Սմբատ Ա³⁶, Աշոտ Բ Բագրատունին³⁷, Գագիկ Ա Արծրունին³⁸, Այն պահին, երբ օրինական թագավոր Աշոտ Բ Բագրատունին, հենվելով բյուզանդական ռազմական ուժի վրա Կոստանդնուպոլսից հայրենիք էր վերադառնում, ապստամբություն բարձրացրեց նրա հորեղբորորդի Աշոտը (Շապուհի որդին): Աշոտ Շապուհյանը ապավինեց արաբական կուսակալ Յուսուֆի օգնությանը, որը բնականաբար երկուդ էր կրում բյուզանդական ազդեցության զորեղացումից ու ամեն կերպ խանգարում էր Աշոտ Բ թագավորությանը: Յուսուֆը ապստամբին թագ և սուր³⁹ հանձնեց: Բայց օծումը, ըստ երևույթին, տեղի չէր ունեցել, և Աշոտ Շապուհյանը օրինավոր թագավոր չի ճանաչվել:

Նշանակները կրելիս են եղել անձնական բնույթ, նրանց հանձնումը չի դիտվել իբրև հարստության ճանաչում: Բագրատունիների օրինակից դա կտրելի է կռահել ամենայն պարզությամբ՝ իշխանության նշաններ ստացել են այդ թագավորական տան երեք սերունդ: Ավելին, ստացվում է այն տպավորությունը, որ նշանակները չեն եղել անգամ իրավունքների ցմահ ճանաչում: Սմբատ Ա թագ է ստացել երկու անգամ՝ աթաբական կուսակալ Աֆշինից⁴⁰ և նրա հաջորդ Յուսուֆից: Յուսուֆը «կրկին պսակեալ զՍմբատ բազում ընչիւր», — նկատում է Ասողիկը⁴¹: Մի բանի անգամ նշանակներ է ստացել Գագիկ Ա Արծրունին: Առաջին անգամ այդ նշանակները նրան հանձնեց Յուսուֆը⁴²: Իմանալով, որ Գագիկը դարձել է թագավոր «ի վերայ Հայաստանեայց», ասում է Թովմա Արծրունու շարունակողը, Մուկտադիր խալիֆը ուղարկեց նրան «թագ և հանդերձս զարդուց զարմանալիս»⁴³: Այնուհետև խալիֆի պատվիրակները «կրկին անգամ» թագ և զգեստներ հանձնեցին Գագիկին⁴⁴, 919 թ. Յուսուֆը պաշտոնից հանվեց, իսկ նրա տեղն ուղարկվեց Ուբայդ (կամ Աբդ) Ալլախ իբն Մուհամմադ ալ-Ֆարիկին, Հովհաննես Դրասխանակերտցու Փարիկին: Ալ-Ֆարիկին երրորդ անգամ («երեքկին») պսակեց Գագիկ Ա Արծրունու զլուխը⁴⁵:

34 Դրասխանակերտցի, էջ 139:

35 Նույն տեղում: «Մեծին վարդանայ Բարձրերդեցույ Պատմութիւն տիեզերական», ի լոյս ընծայեաց Մ. Էմին, Մոսկվա, 1861, էջ 116—117: Կիրակոս Գանձակեցի, Պատմություն Հայոց, աշխատասիրությամբ Կ. Ա. Մելիք-Օհանջանյանի, Երևան, 1961, էջ 179—180:

36 Դրասխանակերտցի, էջ 146—147: Ասողիկ, էջ 161—162: «Ատեփանեսի Սինեաց և պիսկոպոսի Պատմութիւն տանն Սիսական», ի լոյս ընծայեաց Մ. Էմին, Մոսկվա, 1861, էջ 128:

37 Դրասխանակերտցի, էջ 300:

38 Թովմա Արծրունի, էջ 265:

39 Դրասխանակերտցի, էջ 293, նաև Ասողիկ, էջ 169:

40 Դրասխանակերտցի, էջ 146—147:

41 Դրասխանակերտցի, էջ 197: Ասողիկ, էջ 163:

42 Թովմա Արծրունի, էջ 285:

43 Նույն տեղում, էջ 286:

44 Նույն տեղում, էջ 286—287:

45 Դրասխանակերտցի, էջ 306:

Սկզբնաղբյուրների տեղեկություններն արաբական նշանակների մասին ցույց են տալիս, որ իշխանությունն այդ նշանները տրվում էին *ad hoc*, հայոց այս կամ այն թագավորի իշխանությունը նրանք հաստատում էին տվյալ պահի համար: Մնալով խալիֆի վասալ, հայոց թագավորը պարտավոր էր ապահովել հարկերի կանոնավոր մուտքը⁴⁶ և այդ առումով նա ինչ-որ չափով համարվում էր խալիֆայության պաշտոնյա և ճիշտ այնպես, ինչպես վալիի կամ ամիրի լիազորությունները, չէին կարող լինել ցմահ, նույնպես, քան երեւելի, մերժում էին ճանաչել նաև հայոց թագավորի իշխանությունը ցկանս (էլ չենք ասում նրա դինաստիական իրավունքների մասին):

IX դարի վերջերին արաբական կուսակալների անջատողական ձգտումները բացահայտվեցին ամենայն պարզությամբ: Երբեմն այդ կուսակալները իրենց զդում էին կենտրոնական իշխանությունից բոլորովին անկախ, կարող էին պառակտել, և այդպիսի դեպքում ապստամբությունը ճնշվում էր զինված ուժով: Տեղում նրանք կարող էին վարել բոլորովին անկախ քաղաքականություն: Զարմանալի չէ ուրեմն, որ հայոց թագավորները նշանակներ էին ստանում ոչ միայն խալիֆից, այլև նրա կուսակալներից: Նշանակներ ուղարկելով այս կամ այն հայոց իշխանավորին, արաբները դրանով հաստատում էին նրա սուղնությունը մյուս իշխանավորների նկատմամբ: Նշանակները դառնում էին Հայաստանում վարվող արաբական քաղաքականության զորեղ միջոց: Բայց միաժամանակ և՛ Բագրատունիները, և՛ Արծրունիները համարվում էին ընդհանրապես լիիշխան տիրակալներ, թագավորներ: Իբն Հաուկալը Հայաստանի մասին գրում է. «Հենում [այդ հողերը] պատկանելիս են եղել անբաժանելիորեն Սիրասի իբն Աշուտին հայոց թագավորին (ملك الارمن) և նրա նախնիներին և միշտ մնացել են նրանցից ամենանշանավորի ձեռքում»: Նրանք, հայերը, շարունակում է հեղինակը, հպատակվեցին Յուսուֆին սկզբնական իսլամի դաշնագրությունների պայմաններին համաձայն⁴⁷:

Ի՞նչ էին ներկայացնում իրենցից այդ նշանակները: Նրանց հավաքածուի անհրաժեշտ առարկան էր թագը: Սմբատ Ա թագի մասին ասված է, որ այն եղել է «յոսկույ Սոփերայ կազմեալ»: Բառարաններում Սոփերը նույնացվում է Սոփիի հետ⁴⁸, բայց Մոփերում, ինչքան հայտնի է, ոսկու հանքեր չեն եղել⁴⁹, Իրսկանում խոսքը Սոփեր երկրի մասին է, որը հիշատակված է Աստվածաշնչում՝ «և չոգան ի Սովիերա և առին անտի ոսկի շորեքհարիւր և քսան տաղանտ» (Դ Թագաւորութեանց, 9,28): Սոփերի ոսկին բարձրորակ է եղել և տվյալ դեպքում այդ «յոսկույ Սոփերայ» դարձվածքը ակնարկում է ոչ թե թագի նյութի ծագման վայրը, այլ ընդգծում է նրա որակը: Թագը ունեցել է հատուկ՝ մարդարտով վարդարված կապեր՝ «և ի նմին յելուզեալ

⁴⁶ Տե՛ս, օրինակ, Թ ո Վ մ ա Ա Ր Ժ Ր Ո Ւ Ն Ի, էջ 247, 283, 284, 286: Դ ր ա ս խ ա ն ա կ ե ր տ ց Ի, էջ 167, 169, 170, 193, 330:

⁴⁷ Opus geographicum auctore Ibn-Haukal... ed. J. H. Kramers, Lugduni Batavorum-Lipsiae, 1939, էջ 343:

⁴⁸ Տե՛ս, օրինակ, «Նոր Հայկական բառարան», Ի, էջ 751:

⁴⁹ Հմմտ. «Հայ ժողովրդի պատմություն», I, Երևան, 1971, էջ 51—52:

յեռեալ վարսակալ մարգարոտատող տպագարդութիւնս»։ Գաղիկ Ա Արծրունու թագի մասին ասված է, որ այն կատարված է եղել մեծ վարպետությամբ, պատրաստված մաքուր ոսկուց։ Աղթամարի յաճարի արևմտյան ճակատի վրա պահպանվել է մի բարձրաքանդակ, ուր Գաղիկ Արծրունին պատկերված է տաճարի մանրատիպարը ձևերին։ Գաղիկի զլխին մետաղյա թագ է, բայց արդյո՞ք դա այն թագն է, որ նա ստացած է եղել Յուսուֆից։

Հայտնի է, որ Սմբատ Բ Բագրատունին և Գաղիկ Ա Բագրատունին կրել են չալմա (նրանք մի քանի անգամ քանդակված են այդպիսի զլխարկներով)։ Բացառված չէ, որ նման չալմաները ևս մտել են խալիֆների և նրանց կուսակալների կողմից ուղարկված նշանակների հավաքածուի մեջ։ Այդ նշանակների թվին են պատկանել նաև թանկարժեք քարեր, հաղուստներ, զարդեր, ազնվական ձիեր իրենց կազմով⁵⁰։

Աշոտ Բ Բագրատունին վերջին հայոց թագավորն էր, որ նշանակներ էր ստացել արաբներից, այնուհետև միջազգային իրավական տեսակետից հայկական թագավորություններն անկախ են արաբներից։

* * *

Նախքան արաբական արշավանքը Հայաստանի կապերը արաբների հետ կարող էին միայն պատահական բնույթ կրել (եթե այդպիսի կապեր առհասարակ գոյություն են ունեցել)։ Նման պայմաններում էին գտնվում մի շարք այլ ժողովուրդներ ևս։ Հայ-արաբական հարաբերությունների սխտեմը կազմավորվում էր արդեն տեղի ունեցած արաբական նվաճման պայմաններում։

Բյուզանդական նվաճումը, ի տարբերություն արաբականի, ունեցել է բազմադարյան նախապատմություն։ Մ. թ. ա. 190 թ. տեղի ունեցավ Մադենսիայի ճակատամարտը, որը շրջադարձային դեր կատարեց Առաջավոր Ասիայի պատմության մեջ՝ այստեղ առաջին անգամ երևացին հռոմեական լեգեոնները։ Այդ շրջանից են սկսվում հայերի և հռոմեացիների հարաբերությունները, որոնք մ. թ. ա. I դարի 70-ական թթ. վերջերից դառնում են փաստորեն տնրնահատական⁵¹։ Հայաստանի ու Հռոմի բազմաձև հարաբերությունները ժառանգում է Բյուզանդական կայսրությունը։ Կանգ չառնելով հայ-բյուզանդական հարաբերությունների ողջ պատմության վրա, շեշտներ միայն, որ Հայաստանի առաջին (387) և հատկապես երկրորդ (591) բաժանման հետևանքով հայ բնակչության մի զգալի մասը դարձավ կայսրության հպատակ։ Սակայն արաբական արշավանքը մի քանի տասնյակ տարիների ընթացքում ջնջեց կայսրության հաջողությունները՝ Հայաստանը նվաճելու ուղղությամբ։ Բյուզանդիայի կապերը Հայաստանի կենտրոնական մարզերի հետ խզվեցին։ Սակայն քաղաքական ուսմունքը, որի համաձայն հայերը դիտվում էին որպես կայսրության հպատակներ, վերանայման երբեք չենթարկվեց։ Այն ջանքերը, որոնք թափում էր կայսրությունը՝ Հայաստանը վերանվաճելու համար, ըստ էության այդ սկզբունքի իրականացումն էին։

⁵⁰ Գրասխանակերտցի, էջ 139, 147, 197—198, 300։ Թավմա Արծրունի, էջ 285—286։

⁵¹ Տե՛ս «Հայ ժողովրդի պատմություն», I, էջ 524—525, 583 և հտ.։

Այստեղ բյուզանդական քաղաքագետները կարող էին հենվել նաև դարավոր այն պատկերացումների վրա, որոնց համաձայն մի տարածություն, որը երբե-վիցե պատկանելիս է եղել կայսրությանը, իսկ հետո անցել անօրեններին, անպայման պիտի վերագառնա օրինավոր տիրակալին:

Բյուզանդիայի կողմից հայկական հողերի վերանվաճման հետ կապված հանդամանքները քննության առնելիս անհրաժեշտ է հաշվի նստել մեր տեսակետից մի շատ կարևոր հարցի հետ: Հայաստանի արևմտյան մասը արաբական լծից ազատագրվեց բյուզանդական զորքերի առաջխաղացման շնորհիվ: Այդ զործողությունները հանդիսացան, այդպիսով, վերը հիշատակ-ված քաղաքական տեսության ասես անմիջական իրականացումը: Այդ զործն ավարտվեց մոտավորապես X դարի կեսերին՝ 949 թ. վերջնականապես գրավ-վեց Թևոդոսուպոլիս-Կարինը՝ Հայաստանում բյուզանդական տիրակալու-թյան երբեմնի պատվարը, որն այժմ ևս չէր կորցրել իր նախկին ստրատեգիա-կան նշանակությունը: Օրակարգի հարց էր Հայաստանի այն մասերի բռնա-գրավումը, որոնք տարածվում էին դեպի արևելք և հասցրել էին արդեն ինք-նուրույն կերպով թոթափել արաբական լուծը: Վերականգնելով ինքնուրույն պետականությունը, Հայաստանի այդ մասերը այդու ձևով էին բերել որոշ քաղաքական կշիռ: Այս հողերի միացումը կայսրությանը կապված էր, բնա-կանաբար, և՛ ռազմական, և՛ դիվանագիտական հատուկ բարդությունների հետ:

Խնդրո առարկա երկրամասերի միջազգային-իրավական ստատուսը⁵² քննելիս հարկավոր է նկատի ունենալ, որ հայկական պետությունների և կայս-րության միջև գոյություն ունեցող կապերը սահմանվում էին առնվազն երկու սիստեմի համաձայն. երկուսն էլ զործում էին Բյուզանդիայի, նաև մյուս պե-տությունների հետ ունեցած հարաբերությունների ասպարեզում:

Հայտնի է, որ ողջ միջնադարի ընթացքում զործող դեր էր կատարում իդեալական «գերդաստանի» գաղափարը, որը կապում էր տիրակալներին, նմանապես նաև նրանց հպատակ ժողովուրդներին: Այդ պատկերացումները գալիս են հեռավոր անցյալից: Ֆ. Դյուլգերը, որն առավել բազմակողմանի և խորապես էր ուսումնասիրել այդ երևույթը, նրա առանձին տարրեր գտնում է Դիոկղետիանոսի և անգամ Պտղոմեոսների շրջանում⁵³: Տիրակալների խորհրդավոր «գերդաստանը» միաժամանակ նաև ռեալ քաղաքական ինստի-տուտ էր, որը կարգավորում էր միջազգային հարաբերությունները⁵⁴, իսկ կապերի աստիճանն ու բնույթը որոշող տերմինները դառնում էին իրավական տիտղոսներ, ein Rechtstitel⁵⁵: Այդ տիտղոսները, որոնք կցված էին բյուզան-դական կայսեր պայմանագիր կողմերի ներկայացուցիչներին, որոշում էին ինչպես այդ տիրակալների, այնպես էլ նրանց ժողովուրդների տեղը հատուկ հիերարխիկ սկզբունքի համաձայն:

⁵² «Ստատուս» հասկացությունը այստեղ օգտագործված է պայմանական ձևով. քննու-թյան են առնված մի կողմից բյուզանդական, մյուս կողմից՝ հայկական տեսակետները, որոնք միշտ չէ որ պիտի համընկնեն:

⁵³ Հիմնական աշխատությունները ժողովված են՝ F. Dölger, Byzanz und die euro-
päische Staatenwelt, Ettal, 1953, էջ 34—69, 159—196 (այսուհետև՝ BES).

⁵⁴ Նույն տեղում, էջ 35, 52:

⁵⁵ Նույն տեղում, էջ 36:

IX—X դդ. այդ յուրօրինակ «գերդաստանը» ունեցել է հետևյալ կառուցվածքը. «գերդաստանի» պարագլուխը եղել է, բնականաբար, բյուզանդական կայսրը, «հոգևոր հայրը», որն ունեցել է patria potestas, չնայած ինքն իր հերթին հոգևոր հայր է ձանաչում Հռոմի պապին: Կայսեր և «գերդաստանի» այլ անդամների միջև եղած հարաբերությունները տարածվել են երեք ուղղությամբ: Ամենաբարձր դիրքը զբաղել են կայսեր «հոգևոր եղբայրները»⁵⁶, ըստ որում ուժերի ռեալ հարաբերակցությունը կարող էր առիթ ծառայել, որպեսզի վերջիններս հավակնեին որոշ իրավահավասարության: Այնուհետև զալիս էին կայսեր «հոգևոր զավակները», իսկ ստորին աստիճանի վրա գտնվում էին նրա «բարեկամները»:

Հոգևոր ազգակցական կապերի սիստեմը և այդ կապերին վերաբերող տերմինները պատկանել են բացարձակապես միջազգային-իրավական բնագավառին: Այդ սիստեմը նախատեսած է եղել, ըստ երևույթին, միայն երկկողմանի կապեր՝ բյուզանդական կայսր — օտարերկրյա պարտագիր կողմ: Կայսեր «հոգևոր զավակները» եղբայր չէին դառնում, իսկ «բարեկամները» կարող էին միմյանց նկատմամբ թշնամի լինել:

Կոստանդինոս Ծիրանածնի «Արարողությունների մասին» աշխատության մեջ իբրև Բ զրթի 48-րդ գլուխ պահպանվել է մի յուրահատուկ հրահանգ՝ պաշտոնական նամակներ կազմելու համար: Այստեղ բերված են օտար տիրակալներին ուղարկվելիք գրությունների ինսկրիպցիաների բանաձևեր: Գրությունները պիտի հասցեագրվեին հետևելով այդ ձևերին: Սույն վավերագիրը կազմված է Կոստանդինոս Ծիրանածնի և նրա որդու՝ ապագա Ռոմանոս Բ օրոք 944—959 թթ., սակայն հիմքում դրված է ավելի հին շերտ: Փաստաթուղթն ունի նշաններ, որոնք ցույց են տալիս, որ դիվանագիտական արձանագրությունը փոփոխություններ է կրել: Տվյալ դեպքում կարևոր է նշել, որ սույն վավերագրում արձագանք գտած պրակտիկական վերաբերում է Հայաստանին՝ սկսած Աշոտ Ա Բագրատունուց, այն է՝ 886 թ.⁵⁷:

48-րդ գլխի երեք հասցեատեր համարվել են բյուզանդական կայսեր հոգևոր զավակներ. դրանք են՝ Մեծ Հայքի, Ալանաց աշխարհի և Բուլղարիայի տիրակալները: «Մեծ Հայքը» այստեղ ոչ թե աշխարհագրական, այլ քաղաքական տերմին է, որը բյուզանդացի, հայերի օրինակով⁵⁸, կապում էին Բագրատունյաց թագավորության հետ: Հետագայում այդ անունը կհիշատակի Սկիլիցեսը, խոսելով Հովհաննես-Սմբատի և Գագիկ Բ մասին, այդ անունը կժառանգի նաև համապատասխան բանականթեմը: Այսպիսով, բյուզանդական կայսեր հոգևոր զավակներից մեկը Բագրատունյաց «Մեծ Հայքի» թագավորն է եղել: Հայաստանի մյուս թագավորները այդպիսի տիտղոս չեն ունեցել:

⁵⁶ G. Ostrogorsky, The Byzantine Emperor and the Hierarchical World Order. „The Slavonic and East European Review“, XXXV, № 84, 1956, էջ 11—12:

⁵⁷ Constantini Porphyrogeniti imperatoris de cerimonis aulae Byzantinae, I, Bon-nae, 1829, էջ 686. 4—692. 2. ամրոջությունը թարգմանված է հայերեն՝ Բ ա ռ թ ի կ յ ա ն, Կոստանդին Ծիրանածնի, էջ 150—154:

⁵⁸ Հմմտ. Ա ս ո ղ ի կ, էջ 285՝ Գագիկ Ա Բագրատունին որպես Մեծ Հայքի թագավոր: Մ ա տ թ չ ո ս Ու ռ հ ա յ ն ց ի, Ժամանակագրություն, Վաղարշապատ, 1898, էջ 19:

Բյուզանդական կայսրության և «Մեծ Հայքի» միջև եղած հարաբերությունների իրավական կողմը, որն արձագանք է գտել «հոգևոր զավակ» յուրահատուկ տերմինի մեջ, բազմիցս գրավել է ուսումնասիրողների ուշադրությունը, բայց, ինչքան մեղ հայտնի է, այդ հարցը քննության է առնվել միայն հունական աղբյուրների սահմաններում: Մինչդեռ այդ «հոգևոր ազդակցության» մասին տեղեկություններ են պահպանվել նաև հայ հեղինակի մոտ, այն էլ այնպիսի լավատեղյակ, ինչպիսին է Հովհաննես Դրասխանակերտցին: Հայտնի է, որ իր մահվան նախօրեին Բարսեղ Մակեդոնացի կայսրը (867—886) ճանաչեց Աշոտ Ա Բագրատունու թագավորական իրավունքները: Կայսեր և թագավորի միջև «խաղաղության և նուաճության և սիրոյ» պայման է հաստատվում, ըստ որում Բարսեղը Աշոտին հայտարարում է որդի սիրելի⁵⁹: Լևոն Զ Իմաստունը պարզեցնում է պատիվներ է շնորհում Սմբատ Ա Բագրատունուն, բայց, շարունակում է պատմիչը, «մեծ քան զայն այն էր, որ զորդի սիրելի կայսր զՍմբատ իւր անուանէր՝ սիրալիր դաշամբք ուխտից»⁶⁰: Վերադառնալով նույն առարկային, հեղինակը նշում է, որ որդի սիրելի լինելով, Սմբատ Ա պաշտում էր բյուզանդական կայսրին «իբրև վեհագունի քան զինքն և իօր հաւազատի»⁶¹: 913—914 թթ. Սմբատի որդի և հաջորդ Աշոտ Բ Երկաթը ժամանում է Կոստանդնուպոլիս: Կայսրը ընդունեց Աշոտին իբրև իր գրեթե հավասարին, «միանգամայն իսկ և ուստր զնա մարտիրոսի և որդի սիրելի կայսր իւր անուանէր»⁶²: Աշոտ Գ Բագրատունուն ուղղված իր նամակում Հովհաննես Զմշկիկ կայսրը հասցեատիրոջն անվանում է իր «հոգեկան զավակ»⁶³:

Անդամ առանձին վերցրած, այդ տվյալները ցույց են տալիս, որ բյուզանդական կայսեր և նրա հայ «զավակների» միջև գոյացած «ազդակցական» հարաբերություններն իրավական իրականություն են եղել և արձանագրվել հատուկ դաշինքով: Մյուս կողմից, միայն այդ տվյալների հիման վրա կարելի է հաստատել, որ հոգևոր զավակի տիտղոսը «Մեծ Հայքի» թագավորները կրել են թագավորության հիմնադրման պահից առնվազն մինչև Աշոտ Դ:

Բյուզանդական կայսեր «հոգևոր զավակի» կոչումը Բագրատունիների մենաշնորհն էր: Արժրունիները ղրկված են եղել այդ պատվից: Հայտնի է նաև մի դեպք, երբ հայաստանցի մի իշխան պիտի դառնար «արքունների արքուն» (տես ստորև), հռչակվել ամենայն հավանականությամբ հայոց թագավոր և ճանաչվել բյուզանդական կայսեր «բարեկամը»: Այդ նախագիծը մանրամասն շարադրված է Ռոմանոս Լակապենոս կայսեր գրության մեջ, որը կաղմբված է եղել 929—943 թթ.⁶⁴: «Բարեկամ» (φίλος) արտահայտության տիտղոսային բնույթը դրսևորվում է սույն նամակում ամենայն պարզությամբ: Հասցեատերը հեռանկար ունի և՛ լինել, և՛ անվանվել կայսեր բարեկամը⁶⁵, հաղորդում է Ռոմանոս Լակապենոսը:

59 Դրասխանակերտցի, էջ 140:

60 Նույն տեղում, էջ 158—159:

61 Նույն տեղում, էջ 199—200:

62 Նույն տեղում, էջ 285:

63 Մատթեոս Ուռհայեցի, էջ 19: «Սմբատայ Սպարապետի Տարեգիրք», Վենետիկ, 1956, էջ 10՝ «հոգևոր որդույ իմոյ»:

64 Կ. Յուզրբաջյան, Ռոմանոս Լակապենոս կայսեր անհայտ հասցեատերը, ՀՍՍՀ ԳԱ «Լրարեր» (հաս. գիտ.), 1974, № 1:

65 Նույն տեղում, էջ 37:

Բյուզանդիայի միջազգային հարաբերությունների ասպարեզում գործել է մի ուրիշ սխառում ևս, որն ինչպես և առաջինը, իր հատուկ արտահայտությունն է գտել պաշտոնական տիտղոսների մեջ: Անշուշտ, այստեղ ևս առաջնակարգ դերը ապահովված էր Բյուզանդիային՝ հանձին կայսեր: Մյուս ժողովուրդների վրա գերիշխելու դադափարը սնվում էր դեպի նախախնամությունը եղած հավատով. նախախնամությունն է, որ որոշել է կայսեր այդ դերը. ինչպես երկրորդում մի աստված, այնպես էլ երկրորդում մի կայսր և այլն: Բայց այդ դադափարը առաջացնող բարդ պատճառների ամբողջությունից տվյալ դեպքում կարելի է վերանայլ: Մեղ կարևոր է որոշել Հայաստանի տեղը այդ սխառումում և վերջինիս գործունեությունը:

Արդ, որպես պետությունների հիերարխիայի պարագլուխ հանդես է գալիս կայսրը: 629 թ. նրա պաշտոնական տիտղոսն էր բասիլևս: Այդ տիտղոսը միայն կալսեր մենաշնորհն էր: Միքայել Ա (811—813) ստիպված եղավ բասիլևս ձանաչել նաև Կարլոս Մեծին, միաժամանակ, սակայն, լայնացրեց իր տիտղոսը և սկսեց անվանվել հռոմայեցիների բասիլևս, մինչդեռ Կարլոսը նրա համար մնաց սոսկ բասիլևս: Բացառություն է կազմել նաև այն դեպքը, երբ բասիլևս ձանաչեցին Սիմեոն Բուլղարացուն (913), որը մինչ այդ արքուն էր անվանվում: Ինչպես և Կարլոս Մեծի դեպքում, այդ քայլը փոփոխություն առաջացրեց կայսեր անվանման մեջ, վերջինս սկսեց կոչվել հռոմոց ինֆնալ կալ բասիլևս:

Շարադրված փաստերը ցույց են տալիս, որ «Բագրատունյաց շրջանի» հայոց թագավորները ոչ մի կերպ չէին կարող լինել բասիլևսներ, չնայած հենց այդպիսի տիտղոս են կրել նրանց հեռավոր նախորդները մ. թ. ա. VI դարի կեսերից⁶⁶: Ավելին, Տիգրան Բ սկսած (95—55) դրամների վրա նշված է եղել երբեմն շահնշահ⁶⁷: Այնուամենայնիվ, մեղ հետաքրքրող շրջանում ևս ոչ պաշտոնական կոնտեքստում հայոց թագավորը կարող էր անվանվել նաև բասիլևս: Այսպես, բյուզանդական դրող Կեկավմենոսը՝ վասսուրականի թագավոր Սենեբերիմ Արծրունուն որակում է բասիլևս և բասիլևսների սերունդ⁶⁸: Սակայն հայոց թագավորի պաշտոնական տիտղոսը բյուզանդացիների աչքում եղել է արքուն կամ արքունների արքուն: Բյուզանդական տերմինաբանությունը (ինչպես նաև արաբական բատրիկ, բատրիկ ալ-բատարիկա անվանումները) բխում են հայկական իշխան, իշխանաց իշխան տիտղոսներից: Հուն. αὐτοκράτωρ բառի զուգորդումը հայերեն իշխանի հետ բացահայտ է: Հայերեն ևստվածաշնչի բաղդատումը Սեպուհյանցին տալիս հետ ցույց է տալիս, որ 652 ղեպքերից 630-ում հունարեն αὐτοκράτωρ-ին համապատասխանում է հայերեն իշխանը⁶⁹: Այսպես, Կոստանդինոս Միրանաթնի «Կայսրության կառավարման մասին» աշխատության մեջ արքունների արքուն են Աշոտ Ա Բագրատունին⁷⁰,

66 Ս. Կրկյաշարյան, Թագավորական իշխանությունը հին Հայաստանում, «Բանբեր Երևանի համալսարանի», 1970, № 1:

67 «Հայ ժողովրդի պատմություն», I, էջ 695—698:

68 Г. Г. Итатврин, Советы и рассказы Кекавмена, М., 1972, էջ 282.6, 10, էջ 333, ծան. 32:

69 Ս. Ս. Կոստանյան, «Նախարար» տերմինի մասին, «Պատմա-բանասիրական հանդես», 1973, № 3, էջ 157:

70 Constantine Porphyrogenitus. De adminlstrando imperio. Greek text edited

Սմբատ Բ⁷¹ և Աշոտ Բ Երկաթ⁷², այդ տիտղոսը հատուկ է Բագրատունի-
ներին⁷³, Պահպանվել է պատրիարք Նիկողայոս Միստիկոսի թուղթը ուղղված
«արքունների արքունին»՝ Սմբատ Ա կամ Աշոտ Երկաթին⁷⁴, Կոստանդնուպոլիս
ժամանած Աշոտ Երկաթին բյուզանդական պատմիչները որակում են իբրև
«արքունների արքունի» որդի⁷⁵, Լազարյան ավետարանի հիշատակարանում
(887) ասված է, ի միջի այլոց, որ գիրքը արտագրված է լիշխանութեանն իշ-
խանաց իշխան Աշոտ Բագրատունու⁷⁶: Եթե 887 թ. Աշոտ Ա արդեն ունեցել է
թագավորական պատիվ (նրա գահ բարձրանալու ամենից հավանական թվա-
կանն է՝ 886), ապա պետք է մտածել, որ թագավոր դարձած Աշոտի բյուզան-
դական տիտղոսը կարող է արտահայտված լինել նաև իր բուն հայկական
ձևով⁷⁷:

Այսպիսով, մեզ հայտնի է, որ առաջին Լրեք Բագրատունիները արքունների
արքուն տիտղոսն են կրել, ինչ վերաբերում է Աշոտ Երկաթի Լեռայր և հաջորդ
Աբասին (929—953), ապա վերջինս եղել է մագիստրոս: Այդ տիտղոսով նա
հանդես է գալիս և՛ «Կառավարման մասին» աշխատության մեջ, և՛ Ռոմանոս
Լակապենոս կայսեր թղթում⁷⁸: Մագիստրոսի տիտղոսը, որպես այդպիսին, չի
վկայում որևէ «իջեցման» մասին, պարզապես այդ տերմինը պատկանում է
«հաշվարկման» այլ սիստեմի: Բայց ինչ-որ տեղաշարժ իրոք որ կատարվել է:
«Կառավարման մասին» երկում Վասսուրականի թագավոր Գագիկ Ա Արծրու-
նին հանդես է գալիս որպես արքուն⁷⁹, սակայն «Արարողությունների մասին»
աշխատության մեջ այլ տեսակետ է արտահայտված: Ասպուրականի, այն է՝
Վասսուրականի արքունը Կլավ արքունների արքունի պատիվն է ստացել, ըստ
այդմ էլ պաշտոնական նամակը պիտի սկսվի հետևյալ բանաձևով. «Կոստան-
դին և Ռոմանոս հավատացյալ ի Քրիստոս աստված ինքնակալ օգոստոսների,
հռոմայեցիների կայսրեր՝ ամենաբերեղի այսանուն արքունների արքունին»⁸⁰:
Ռոմանոս Լակապենոսի թղթում Գագիկ Արծրունին ևս հիշատակվում է որպես
արքունների արքուն⁸¹: Այսպիսով, ինչ-որ պահին արքունների արքունի պատիվը

by Gu. Moravcsik, english translation by R. J. H. Jenkins, Washington, 1967, 44-6, 13, 18, 20 (այսուհետև՝ DA1).

⁷¹ Նույն տեղում, 43/30, 33—4, 44/7, 19, 22, 26—7, 50, 120:

⁷² Նույն տեղում, 43/112, 44/9, 37:

⁷³ Նույն տեղում, 44/38—9, 42, 45:

⁷⁴ Հ. Մ. Բարթիկյան, Կոստանդնուպոլսի պատրիարք Նիկողայոս Միստիկոսի 101-րդ և 139-րդ թղթերը՝ ուղղված Հովհաննես Դրասխանակերտցուն և Սմբատ Բ թագավորին, «Պատմա-բանասիրական հանդես», 1966, № 4:

⁷⁵ Sté N. Adontz, Etudes arméno-byzantines, Lisbonne, 1965, էջ 265:

⁷⁶ Գարեգին [Հովսեփյան], Հիշատակարանք ձեռագրաց, ս. 84:

⁷⁷ Պետք է խոստովանել, որ առաջարկված բացատրությամբ հարցը վերջնական լուծում չի ստանում: Կասկածի տեղիք է տալիս «լիշխանութեանն» արտահայտությունը. արդյո՞ք հիշատակարանի հեղինակը գիտում է Աշոտին իբրև իշխանաց իշխան այն իմաստով, ինչպես սույն տերմինը հասկացվել է թագավորական իշխանության հաստատումից առաջ և հրաժարվում է Աշոտին ճանաչել թագավոր:

⁷⁸ DA1, 44/10, 36: Յուզրաշյան, Ռոմանոս Լակապենոսի հասցեատերը, էջ 37:

⁷⁹ DA1, 43/111:

⁸⁰ De cerim., էջ 687, 4—8:

⁸¹ Յուզրաշյան, Ռոմանոս Լակապենոսի հասցեատերը, էջ 36:

շնորհվում է Վասպուրականի թագավորին: Փոփոխություններ են առաջանում նաև «Մեծ Հայքի» թագավորի ինտիտուցիայում: «Արարողությունների մասին» գրքում նշված է, որ «Մեծ Հայքի» արքունների արքունին ուղարկվելիք նամակը պիտի ունենա երեք սուրբանոց կնիք, իսկ ինսկրիպցիան հետևյալ կերպ ձևավորվի՝ «Կոստանդին և Ռոմանոս հավատացյալ ի Քրիստոս աստված ինքնակալ օգոստոսներ, հռոմայեցիների մեծ կայսրեր՝ Մեծ Հայքի ամենաբերեկի այսանուն պառնին և հոգևոր մեր որդուն»⁸²: Դժվար չէ նկատել, որ «արքունների արքուն» նշումը հանդես է գալիս նկարագրական մասում, իսկ բառացի վերարտադրված ինսկրիպցիայում, այսինքն նամակի միանգամայն պաշտոնական մասում, թագավորը անվանված է պառն: Պառնը (παρνης) տերմին է, պաշտոնական տիտղոս: «Արարողությունների մասին» երկի երկրորդ մասի 46-րդ գլխում թվարկված են այն տիտղոսները, որոնք տրվում են օտարազգի տիրակալներին: Արքունի և արքունների արքունի հետ մեկտեղ այստեղ հիշատակված է նաև պոռտը⁸³: Նման մի երևույթ դիտված է նաև Ալանիայի դեպքում: Նկարագրական մասում Ալանիայի տիրակալը անվանված է էկզուսիոկրատոր, իսկ ինսկրիպցիայում նա էկզուսիաստ է⁸⁴: Թվում է, որ այստեղ ևս ինտիտուցիայի փոփոխություն է տեղի ունեցել: «Արարողությունների մասին» աշխատությունը և հատկապես Ռոմանոս կակապենոսի թուղթը բերում են այն համոզման, որ ըստ բյուզանդական տեսակետի տվյալ պահին Հայաստանում կարող էր լինել միայն մի արքունների արքուն: Տիտղոսակիրը ավագություն էր ստանում մյուս արքունների նկատմամբ, շնայած վերջիններիս թվում կարող էին լինել ոչ միայն իշխաններ, այլև թագավորներ: Միանգամայն հնարավոր է, որ «արքունների արքուն» տերմինը, մտցնելով միջազգային-իրավական տիտղոսների ցանկի մեջ, բյուզանդացիք ելնում էին ոչ միայն այդ դարձվածքի՝ հայերեն իշխանաց իշխան տերմինի հետ եղած բերականական կապից, այլ նկատի էին ունենում նաև «իշխանաց իշխան» ինստիտուտի պրակտիկան: Ինչպես արդեն ասվել է, ըստ արաբական պատկերացումների, իշխանաց իշխանը մյուս իշխանների համեմատությամբ առաջնություն էր ստանում: Բյուզանդական հողի վրա ևս արաբական մոդելը պահպանել էր իր էական կողմերը:

Այսպիսով, մեզ հաստատապես հայտնի է, որ արքունների արքուն են եղել Աշոտ Ա, Սմբատ Ա, Աշոտ Բ Բագրատունիները, Աշոտի մահից հետո այդ տիտղոսը անցել է Գագիկ Ա Արծրունուն⁸⁵ և վերջինիս օրոք առաջարկվել է Ռոմանոս կայսեր հայաստանցի հասցեատիրոջը: Այստեղ մեր տեղեկությունները այդ ինստիտուտի մասին ընդհատվում են: Մատթեոս Ուռհայեցու «Ժամանակագրության» կադմում պահպանվել է Հովհաննես Չմշկիկ կայսեր թուղթը Աշոտ Գ Բագրատունուն (975), հետևյալ ինսկրիպցիայով՝ «Աշոտ շահնշահ Հայոց Մեծաց և իմ հոգեկան զաւակ»: Հ. Բարթիկյանը ենթադրում է, որ սույն թղթի հունարեն բնագրում «շահնշահ» բառի տեղում դրված է

⁸² De cerim., էջ 686. 22—687.3:

⁸³ Նույն տեղում, էջ 679.7:

⁸⁴ Նույն տեղում, էջ 688. 2—6:

⁸⁵ Գագիկ Ա արքունների արքուն է դարձել 929 թ. հետո, այլ ոչ թե 908 թ. քիչ անց. հմտ. Բարթիկյան, Կոստանդին Սիրանածին, էջ 311, ծան. 81:

ևղել չըլոյն աս չըլոյն⁸⁶։ Բայց մենք տեսանք, որ 929 թ. հետո սույն տիտղոսի կրողը եղել է Վասսուրականի և ոչ թե «Մեծ Հայքի» թագավորը և հիմք չկա ենթադրելու, որ տեղի է ունեցել հետադարձ փոփոխություն։ Ըստ Ա. Ռամբոյի, հայ շահնշահը տվյալ դեպքում համապատասխանում է հուն. *ἡγεμόν*-ին⁸⁷։ Եվ իրոք, այդպիսին էր «Մեծ Հայքի» թագավորի տիտղոսը այն շրջանում, երբ կազմվել է (ավելի ճիշտ՝ խմբագրվել է) *De cerim.*, II, 48։ Կարելի է, սակայն, վստահ լինել, որ մինչև 70-ական թթ. կեսերը, երբ Հովհաննես Չմշկիկ կայսրը դիմում էր Աշոտ Գ Բագրատունուն, «Մեծ Հայքի» թագավորի ինտիտուլյացիայում նոր փոփոխություններ չեն առաջացել։ Այն տվյալները, որոնք վերաբերում են XI դարին, ոչ թե վերացնում, այլ ավելի շուտ արդարացնում են նման կասկածամտությունը։

1032 թ. Ռոմանոս Արգիրոս կայսրը իր եղբոր աղջկան կնության է տալիս Հովհաննես-Սմբատին, «Մեծ Հայքի» էկզուսիարքոսին, ասում է բյուզանդական պատմիչ Սկիլիցեսը⁸⁸։ Պատմելով բյուզանդացիների կողմից Անիի դրաման մասին, նա հայտնում է, որ վրաց թագավոր Գեորգիոս Ա ապստամբության օրոք նրա դաշնակիցն էր Հովհաննես-Սմբատը՝ *ὁ τῆς τοῦ Ἀνατολίου καὶ ἑσθλῆς γῆρας*⁸⁹։ Ապստամբությունը պարտության մատնվեց, և կայսրը, Հովհաննես-Սմբատին մագիստրոսի տիտղոս շնորհելով, նրան ցմահ նշանակեց «Անիի և այսպես կոչված Մեծ Հայքի արքուն»⁹⁰։ Հովհաննես-Սմբատի հաջորդ Գագիկ Բ անվանված է այստեղ Անիի տոպարքոս⁹¹։

Ստուգիչ տվյալների բացակայության պատճառով մենք չենք կարող որոշել Սկիլիցեսի հաղորդման արժանահավատությունը։ Նման աղբյուրում սպասելի է որոշ անփութություն՝ տերմինաբանության հարցում։ Այնուամենայնիվ չի կարելի չնկատել, որ էկզուսիարքոս, արքուն, տոպարքոս՝ պաշտոնական տիտղոսներ են, որոնք նշված են նաև *De cerim.*, II, 46. *Κυριεύων*-ը *ηγούμενος* բացակայում է, կա *καρτωτῆς* և *καρῆς*։ Հայտնի է սակայն, որ այդ տերմինը եղել է միաժամանակ նաև «Երջանիկ Արավիայի» տիրակալի պաշտոնական տիտղոսը⁹²։ XI դարի գրականության մեջ տոպարքոսը սովորաբար Բյուզանդիային հարևան այլազգի ժողովրդի կամ երկրի առաջնորդ է։ Այդ նշանակությամբ բառս օգտագործված է Կեկավմենոսի մոտ⁹³։ Հիմք կա ենթադրելու, որ այդ անվանումների գոնե մի մասը պաշտոնապես առնչվել է հայոց թագավորի հետ, անվանումներ, որոնք փոփոխվում էին ժամանակի ընթացքում։

Նշված թագավորություններից բացի բյուզանդական քաղաքականության ուղեծրի մեջ ներգաղթված են եղել նաև հայկական մի շարք իշխանություններ։

⁸⁶ Նույն տեղում, էջ 213, ծան. 12։ Մատթեոս Ռոմանյացի, Ժամանակագրություն, թարգմ. Հ. Բարթիկյանի, Երևան, 1973, էջ 302, ծան. 54։

⁸⁷ A. Rambaud, L'Empire grec au Xe siècle, Paris, 1870, էջ 506, ծան. 2։

⁸⁸ Ioannis Scylitzae Synopsis historiarum, rec. I. Thurn, Berolini et Novi Eboraci, 1973, էջ 385.30։

⁸⁹ Scyl., էջ 435. 76—77։

⁹⁰ Նույն տեղում, էջ 435. 84։

⁹¹ Նույն տեղում, էջ 435. 74։

⁹² *De cerim.*, էջ 691. 24—692. 2, հմմտ. էջ 691. 20—23։

⁹³ Տե՛ս Դ. Դ. Липтаврину, *Եզդ. աշխ.*, էջ 405, ծան. 369։

Կայսրից հատուկ ձևավորված նամակներ էին ստանում Կոզովիտի, Տարոնի, Մոկսի, Անձաձագիքի, Սյունիքի, Վալոց ձորի, Խաչենի «արքունները»։ Այս ցուցակի յուրաքանչյուր հասցեն ունի նշան՝ *Ἀρχιεπισ*։ Այս շարքին են հարում նաև Սևորդիքի (Ուտիքի) երեք արքունները⁹⁴։ Ինչպես ասվեց, «արքուն» տիտղոսի պաշտոնական բնույթը հաստատում է նաև *De cerim.*, II, 46, չնայած առհասարակ այդ տերմինը բազմանշանակ է։

Բյուզանդական կայսեր պայմանագիր են եղել նաև Իվերիայի կյուրապաղատը, նրան հարևան չորս իշխանությունների արքունները⁹⁵, Ալանիայի էկզուսիոկրատորը, Ավասգիայի (այն է՝ Արևմտյան Վրաստանի) էկզուսիաստը, Աղվանքի և կովկասյան մի շարք այլ իշխանությունների արքունները⁹⁶։ Կայսեր հետ հատուկ լարերով կապված են եղել Հայաստանի, Վիրքի և Աղվանքի կաթողիկոսները⁹⁷։

Հիերարխիկ աստիճանի վրա այս կամ այն տիրակալի տեղը որոշող հատկանիշների թվին էր պատկանում նաև ուղարկվելիք նամակի արտաքին ձևավորումը։ Այն թղթերը, որոնք ուղարկվում էին «Մեծ Հայք» և Վասպուրական, կրում էին երեք սուրիզ արժողությամբ ոսկե կնիք։ Իվերիայի կյուրապաղատը, Ալանիայի էկզուսիոկրատորը (կամ էկզուսիաստը), Ավասգիայի էկզուսիաստը, Աղվանքի արքունը ստանում էին երկու սուրիզանոց կնիքով նամակներ⁹⁸։

Այն գրությունները, որոնք ուղարկվում էին Կոզովիտի, Տարոնի և այլ վայրերի արքուններին, Իվերիայի կյուրապաղատին և նրան հարևան չորս արքուններին, Ավասգիայի էկզուսիաստին, Աղվանքի արքունին և կովկասյան մյուս արքուններին, վերջապես երեք կաթողիկոսներին՝ «կարգադրություններ» էին, *κελεύσεις*, լատ. *jussio*⁹⁹։ «Կարգադրությունները» դիտվում էին որպես կախվածության հատկանիշ և հակադրված էին «գրություններին» *γράμματα*¹⁰⁰։ Բայց առանձին վերցրած այդ հատկանիշը որոշիչ դեր չէր կատարում։

Տարածված է այն կարծիքը, որ ոչ միայն խալիֆը, այլև Վասիլ Ա կայսրը թագ է ուղարկած եղել Աշոտ Ա Բագրատունուն։ Հիմք է ծառայում Վարդանի հաղորդումը. խալիֆը «զուարտ սրտիւ առաքէ [Աշոտին— Կ. Յ.] թագ և հանդերձս և երիվարս։ Զնոյն և կայսրն Վասիլ առաքէ, և արհնէ զթագն տէր Գէորգ»¹⁰¹։ Կիրակոս Գանձակեցին նույնպես պնդում է, որ «մահմեդական» թագից հետո Վասիլ Ա ևս թագ է շնորհում Աշոտին¹⁰²։ Եթե այդ փաստը իրոք տեղի է ունեցել, ապա դա զարմանք չպիտի առաջացնի, նման դեպքեր եղել են,

⁹⁴ *De cerim.*, 687.8—15; E. Honigmann, *Die Ostgrenze des byzantinischen Kaiserreiches*. Bruxelles, 1961, էջ 147—148։ *Բարթիկյան, Կոստանդին Միրանաթին*, էջ 311—312, ծան. 82—89 (այստեղ նշված է նաև գրականությունը)։

⁹⁵ C. Toumanoff, *The Bagratids of Iberia from the eighth to the eleventh century*, II. «Le Muséon». 1961, № 74, 3—4, էջ 308։

⁹⁶ *Տե՛ս Բարթիկյան, Կոստանդին Միրանաթին*, էջ 312—313, ծան. 97—104։

⁹⁷ *De cerim.*, էջ 688. 19—22։

⁹⁸ *Նույն տեղում*, էջ 686. 24, 687. 5—6, 17, 688. 2—3, 8։

⁹⁹ *Նույն տեղում*, էջ 687. 15, 17, 688. 1, 8, 17—18, 21։

¹⁰⁰ BES, էջ 38։ E. Dölger, *Byzantinische Diplomatik*, Ettal. 1956, էջ 125 (124 էջի 45 ծան.)։

¹⁰¹ Վարդան, էջ 117։

¹⁰² Կիրակոս, էջ 80. 6—7։

օրինակ, հունգարական թագավորների նկատմամբ: Ինչ վերաբերում է հայոց թագավորին, ապա այդ տվյալները բխում են ուշ շրջանի հեղինակներից, մինչդեռ ժամանակով մոտիկ պատմիչները, որոնք մանրամասն խոսում են նշանակների մասին՝ բյուզանդական թաղի մասին լռում են: Կասկած է առաջացնում նաև այն հանգամանքը, որ մի քանի տող վերև Վարդանը զետեղում է մի ֆանտաստիկ հաղորդում, իբր ժամանակին Վասիլ Ա Մակեդոնացին ինքն է Աշոտից կայսրական թագ խնդրել: Ստացվում է այն տպավորությունը, որ Աշոտի ստացած բյուզանդական թագին վերաբերող հաղորդումներն ուշ շրջանի ենթադրություններ են, որոնք առաջացել են արաբական թագերի հիշողությունների ազդեցությամբ: Նույն կերպ հարկավոր է արժեքավորել նաև Ստեփանոս Օրբելյանի պնդումը, իբր Աշոտ Բ հայրենիք ուղարկելուց առաջ Ռոմանոս Լակապենոսը նրան պսակել է թագով¹⁰³ (եթե առհասարակ «թագ կապեալ» դարձվածքը պիտի հասկանալ բառացի):

Սակայն անկախ նրանից՝ հայոց թագավորին բյուզանդական թագ շնորհվել է թե ոչ՝ պետականության վերականգնումը Հայաստանում կատարվել է կայսրության գիտությունամբ և նրա գործոն մասնակցությամբ. հետագայում ևս հայկական պետությունները մնացել են բյուզանդական տեսադաշտում: Աշոտ Ա Բագրատունին թագավոր դարձավ Վասիլ Ա կայսեր «կամակցութեամբ», նկատում է Ասողիկը¹⁰⁴: «Հոգևոր որդու» կոչումը և «արքունների արքունի» տիտղոսը տրվում էր անհատապես, այդ անվանումները երբեք չեն եղել թագավորական պատվի ատրիբուտներ, չնայած նրանցով օժտված են եղել հայ թագավորների մի քանի սերունդ: Հատկանշական է, որ Աշոտ Երկաթը արքունների արքուն դարձավ միայն կայսեր հետ հանդիպելուց հետո. նա Կոստանդնուպոլիս ժամանեց՝ լինելով միայն «արքունների արքունի որդի»¹⁰⁵: Աբաս Ա Բագրատունին, ինչպես ասվեց, չստացավ այդ տիտղոսը:

Հայոց թագավորները ստանում էին նաև այն խմբի տիտղոսներ, որոնք ծագումով պալատական էին: Աբաս Ա Բագրատունին մագիստրոս էր. մագիստրոս դարձավ նաև Հովհաննես-Սմբատը՝ իր թագավորությունը կայսրությանը կտակադրելուց հետո¹⁰⁶: VI—VII դդ. սկսած Բյուզանդիան շռայլորեն շնորհում էր այդպիսի տիտղոսներ: Տիտղոսակիր կարող էին դառնալ ազնվական տոհմի մի շարք անդամներ: Առանձին դեպքերում տիտղոսը ստանում էին սերնդից-սերունդ: Դեպքեր էին լինում, երբ մի անգամ ստացված պատիվը դիտվում էր որպես տոհմային: Տիտղոսը հիմք էր ծառայում տոհմանվանը, օրինակ՝ Մագիստրոսենց կամ Մաթիստրոսեան¹⁰⁷: Արաբ. բատրիկը, որը համապատասխան բյուզանդական տիտղոսի տառադարձությունն էր, դարձավ հայոց իշխանի հոմանիշը: Ազնվականությանը այդպիսի տիտղոսներ շնորհելով՝ կայսրությունը նպաստում էր բյուզանդասիրական խմբավորումների առաջացմանը, որոնք իրենց դերը կատարեցին Բյուզանդիայի՝ դեպի արևելք առաջխաղացման ընթացքում: Ինչպես նշում է Լ. Բրեյեն, պալատական տիտ-

¹⁰³ Ստ. Օրբելյան, էջ 140:

¹⁰⁴ Ասողիկ, էջ 157:

¹⁰⁵ Տե՛ս ծան. 75:

¹⁰⁶ See l., էջ 435. 83:

¹⁰⁷ К. Н. Юзбашян, Ангийская рукопись 1298 г., «Բանբեր Երևանի համալսարանի», 1971, № 2, էջ 89—90:

ղոսր միաժամանակ և՛ պատիվ էր, և՛ վասալական կախվածության անհերքելի վկայություն¹⁰⁸։ Սակայն այդ տիտղոսների բաշխումը բացահայտ կերպով չի հանգեցրել յուրահատուկ միջադեպին-իրավական սիստեմի առաջացմանը։

Առանձնահատուկ տիտղոսները, որոնք ստանում էին օտարերկրացիք, կայսեր ողորմածության նշան էին։ Քանի որ հավասարությունը, բյուզանդական տեսանկյունից, ընդհանրապես բացառվում էր, ապա տիտղոսակիրը զոնե տեսականորեն պիտի ձանաչեր կայսեր ինչ-որ զերագույն իրավունքներ։ Բայց այդ հանգամանքը, որը անխուսափելի էր օտարերկրացիների հետ եղած հարաբերությունների ասպարեզում, հիշատակված տիտղոսներում բացահայտ կերպով չէր դրսևորվում։ Պարտավորական հարաբերությունները արտահայտելու համար օգտվում էին այլ տերմինաբանությունից։ Այդպիսի պարտավորություններ ստանձնողները դառնում էին կայսեր *συνάρχης*, *φύλαξ*, *πρόξενος*, *ἐπίστροφος* կամ *ἐπιστροφός*, *ἐπεχρησ* կամ *ἐνός*¹⁰⁹։ Երբ Գաղիկ Բ Բաղրատունին դարձավ կայսրության թշնամին և դուրս ելավ բյուզանդական զորքերի դեմ, նա դադարեց լինել «բարեկամ և դաշնակից»¹¹⁰, հաղորդում է Սկիլիցեսը։ Կոստանդինոս Ծիրանածնի ասելով, հայոց արքունիների արքունը եղել է կայսեր ղուլոսը, քանի որ վերջինս է նրան նշանակել և վերջինից է նա ստացել արքունների արքունի պատիվը¹¹¹։ Թվում է, որ այդ բնորոշումը տարածվել է առաջին երեք Բագրատունիների վրա։

Նման հարաբերություններ հաստատվեցին ոչ միայն հայոց թագավորների հետ։ Դուլոս էր կայսիկների ամիրա Ամաղը¹¹², դուլոս էր Ավնիկի արաբական ամիրան¹¹³։ Վրաց Կյուրապաղատ Աշոտը Ռոմանոս Լակապենոսին խոստացավ կովել կայսրության թշնամիների հետ, պաշտպանել նրա բարեկամներին, ողջ արևելքը հպատակեցնել կայսրությանը։ Եթե Աշոտը հետևի «դուլոսությունը» (*ἐνός*) և խոհեմությանը, ապա ոչ ոք չարամիտ փորձ չի անի նրա և նրա ազգականների իրավունքի վերաբերյալ¹¹⁴։ Աշոտը պիտի լինի կայսրության հավատարիմ և ազնիվ դուլոսն ու «բարեկամը»¹¹⁵։ Աշոտի եղբայր Բագրատը ևս կայսեր դուլոսն էր¹¹⁶։

¹⁰⁸ L. Bréhier, Les institutions de l'Empire byzantin, Paris, 1970, էջ 211.

¹⁰⁹ H. Ahrweiler, La frontière et les frontières de Byzance en Orient. „XIVe Congrès International des Etudes Byzantines. Bucarest, 6-12 septembre 1971“. Rapports, II, էջ 9։ Այստեղ հիշատակված «բարեկամներին» պետք չէ շփոթել այն «բարեկամներին» հետ, որոնք մտնում էին «սիրականների և ժողովուրդների զերդաստանը» և արձանագրված են մասնավորապես De cerim., 48։ Գերդաստանի ղեկավարում ֆեոդալ տիտղոսային բնույթ է կրում, մինչդեռ վերը հիշատակված շարքում այն՝ նշում է կայսրության հանգեկրոնած դիրքը։ Ցավոք, միշտ չէ, որ հնարավոր է լինում պարզել՝ ինչ իմաստով է օգտագործված բառը։

¹¹⁰ Scyl., էջ 436. 3-4.

¹¹¹ DA!, 44/45-47.

¹¹² Նույն տեղում, 44/110.

¹¹³ Նույն տեղում, 45/141.

¹¹⁴ Նույն տեղում, 45/107-113.

¹¹⁵ Նույն տեղում, 45/157՝ *ἐνός* καὶ *φίλος*։ Յ. Դյուլգերը, կյուրապաղատ Աշոտին շփոթում է հայոց թագավորի հետ, տե՛ս BES, էջ 41, ծան. 10.

¹¹⁶ DA!, 45/151.

Հուն. *δυναστεία*-ին հայերենում համապատասխանում է առհասարակ ծառաբառը: Այդ տերմինը օգտագործվել է, ըստ երևույթին, նաև հատուկ նշանակությամբ՝ վասալի իմաստով: Աշոտ Բ Բագրատունին մեկնեց Կոստանդնուպոլսից «բարեխորհուրդ ծառայական խոստմամբ»¹¹⁷, Երբ վրաց թագավոր Կեոբդի Ա 1022 թ. պարտության կրեց Վասիլ Բ, նա հանաչեց իրեն կայսրության «ծառա»՝ «գրէր զանձն իւր ծառայ Վասիլին»¹¹⁸:

Այն կախվածությունը, որն արտահայտում են վերևում բերված տերմինները, դիտվում է սովորաբար իբրև վասալական: Բայց իրենք տերմինները չեն բացահայտում պարտավորության ծավալն ու բնույթը: Ձի գրսևորվում նաև առանձին տերմինների տարբերությունը (պետք է նկատի ունենալ, որ բերված շարքի հերթականությունը կամայական է): Սակայն ընդհանուր դադափարը՝ այն տիրակալները, որոնց կցված են հիշատակված տերմինները, համարվել են կախյալ՝ դժվար թե վեճի առարկա լինի: Ուրիշ բան է, որ կախվածությունը կարող էր լինել տեսական, գոյություն ունենալ միայն Կոստանդնուպոլսի քաղաքագետների երևակայության մեջ: Կախվածության իսկական բնույթը հնարավոր է որոշել՝ ելնելով ոչ թե տերմինաբանությունից, այլ կոնկրետ փաստերից:

Այսպիսով, մենք տեսնում ենք, որ կայսրության հետ եղած հարաբերությունները ձևավորված էին միջազգային-իրավական բնույթի մի բանի սիստեմների միջոցով: Տերմինների բազմազանությունը որոշ չափով կարելի է բացատրել բյուզանդական զրասենյակի առանձնահատկություններով, բայց այդ երևույթի հիմքում դրված է, անշուշտ, տարբերակցված մոտեցում դեպի բյուզանդական կայսեր պայմանագիր կողմերը: Կարելի է չկասկածել, որ ժամանակակիցները հասկանում էին, թե ինչու տվյալ տիրակալի իրավական դիրքը ձևավորված էր հենց այդպես, և ինչ էր նշանակում տիտղոսի փոփոխությունը: Յուրաքանչյուր տիտղոս ենթադրում էր մի հատուկ ենթատեքստ, հանդես էր գալիս որպես յուրահատուկ խորհրդանշան:

Կայսրությունը ձգտում էր խուսափել դիմազրկությունից, յուրաքանչյուր քիչ թե շատ նշանավոր միավորին աշխատում էր ապահովել հատուկ տեղ: Ե՛վ «Մեծ Հայքի» արքունների արքունը, և՛ Ալանիայի էկզուսիոկրատորը եղել են բյուզանդական կայսեր «հոգևոր որդիները», սակայն մյուս սիստեմին պատկանող տիտղոսների տարբերությունը պայմանավորում էր նրանց տարբերությունը իրավական տեսանկյունից: Մինչև անգամ այն դեպքում, երբ տիտղոսները նույնն էին՝ չի կարելի ասել, թե տիտղոսակիրների դիրքը համընկնում էր: Ինչպես ասվեց, մի շարք հայ իշխաններ համարվում էին արքուններ: Բայց ինչպիսի՞ տարբերություն կար Տարոնի ու Կոզովիտի, Վայոց ձորի և այլ արքունների միջև: Տարոնի տիրակալները իսկական կախվածության մեջ էին և ի վերջո ստիպված են եղել զիջել իրենց տիրույթը Բյուզանդիային: Այլ իշխանությունների կախվածությունը ավելի շուտ անվանական էր:

Տիտղոսների զարմանալի բազմազանությունը արտահայտում է եղած կապերի բազմապիսույթությունը: Եղել է, անշուշտ, ինչ-որ աստիճանավորում, մեկը մյուսի նկատմամբ տիտղոսները եղել են բարձր կամ ցածր: Սակայն

¹¹⁷ Դ ր ա ս խ ա ն ա կ ե ր տ ց ի, էջ 292:

¹¹⁸ Մ ա տ թ և ո ս Ու ռ հ ա յ Ե ց ի, էջ 51:

սիստեմների հիմքում ընկած է եղել երկակի սկզբունք՝ կայսր-օտարերկրացի տիտղոսակիր:

Բարդ կապերով են միացած եղել Կոստանդնուպոլսին հայ տիրակալները: Իրրե վասալներ ժամանում էին նրանք բյուզանդական մայրաքաղաք, Երբ կայսրը գտնվում էր Արևելքում, վասալները դուրս էին գալիս նրան ընդառաջ, օգնություն հասցնում զորքով ու մթերքով: Հայ թագավորների գերիշխանական իրավունքները իրենց հուստակների նկատմամբ ոչնչով, թվում է, չէին խախտվում. ներքին գործերը թիչ էին հետաքրքրում բյուզանդական բաղադրանքներին: Այլ բան է միջազգային հարաբերությունների ասպարեզը, այստեղ նրանք երբեք չէին կորցնում իրենց զգոնությունը, զգայուն կերպով արձագանքում էին ամենաաննշան փոփոխությանը: Բավական էր, որ Արասի Ա Բագրատունին փոխեր իր կողմնորոշումը՝ նա իսկույն կորցրեց արքունների արքունի տիտղոսը:

Վասալական կախվածությունը խոշոր դեր կատարեց այն անարյուն ակցիաներում, երբ արևելյան տիրակալները ստիպված եղան զիջել իրենց տիրույթները կայսրին՝ «սյուզերենին» և տեղափոխվել Բյուզանդիա: Այդ առումով բյուզանդական դիվանագիտության բազմամյա ջանքերը ավարտվեցին կատարյալ հաջողությամբ: Նվաճելով Հայաստանը, բյուզանդական կայսրները առանց որդվում էին այն համոզմունքով, որ նրանք իրացնում են իրենց գերիշխանական իրավունքները:

АРМЕНИЯ «ЭПОХИ БАГРАТИДОВ» В МЕЖДУНАРОДНО-ПРАВОВОМ АСПЕКТЕ

К. Н. КЮЗБАШЯН (Ленинград)

(Резюме)

С конца IX в., когда в Армении, находившейся под арабским владычеством, начался процесс формирования новой государственности, страна вновь стала субъектом международного права. Генезис царской власти был связан с институтом «князя князей», при котором один из армянских князей получал право первенства по отношению к остальным и становился своеобразным посредником между арабской администрацией и местным населением. В начальный период царская власть функционировала под эгидой халифата, армянские цари получали инсигнии от арабов. Последним армянским царем, принявшим «инвеституру» от арабов, был Ашот II Багратуни (914—929). Впоследствии армянские царства в международно-правовом смысле были независимы от арабов.

Правовые моменты в армяно-византийских отношениях IX—XI вв. опирались на многовековую традицию. С византийской точки зрения, армянские цари были вассалами императора. Вассальная зависимость конституировалась применительно к нескольким системам. Багратиды вписывались в известный институт мистической «семьи правителей и народов» во главе с императором и по крайней мере до Ашота III включительно (953—977) считались духовными сыновьями василевса. В промежутке между 929 и 943 гг. анонимный армянский князь должен был

стать «другом» императора. В обоих случаях эти наименования были специфическими правовыми титулами, обладавшими безусловной ответственностью.

Модифицируя арабскую модель, Византийская империя учредяла в Армении институт «архонта архонтов», когда один из армянских царей получал право первенства перед остальными царями и князьями. Согласно византийским представлениям, в данный момент в Армении мог быть лишь один архонт архонтов; этот титул носили Ашот I, Смба I и Ашот II Багратуни, затем царь Васпуракана Гагик I Арцруни, а в какой-то момент (при жизни Гагика) титул должен был перейти к тому армянскому князю, который становился «другом» императора.

Вассальная зависимость устанавливалась с помощью и других, рассмотренных в статье систем. Правовые моменты сыграли немалую роль в тех бескровных акциях, когда восточные вассалы были вынуждены уступать свои владения императору-«сюзерену».